

LITERATURA. 1901eko Bilboko Lore Jokoez hitzaldiak ere izan dira

1901eko Bilbo ezagutzeko aukera Bidebarrietan

Erakusketan garaiko liburu, aldizkari, eta egunkariak ikus daitezke

Natalia Salazar | BILBO

Bilboko 1901eko Lore Jokoen mendeurrenaren ospakizuneko jardunaldia duela mende bateko aldizkari, egunkari eta liburu erakusketa zabalduz hasi zen, herenegun, Bilboko Bidebarrieta Kulturgunean.

Ondoren, Joseba Agirreazkuenaga, kulturguneko zuzendaria, garai hartako hiriaz eta irudizko kultura berrien aitzindaritzaz aritu zen. Lehenik, 1901eko abuztuaren 26an Bilbon izandako Lore Jokoei buruz Buenos Airesen argitaratzen zen *La Vasconia* aldizkarian agertutako kronika bat irakurriz hasi zen. Arriagan egiten ziren Lore Jokoak jai oso politak zirela eta jende asko erakartzen zutela zioen.

Kronika horretan azaltzen denez, Miguel Unamunok egindako hitzaldiak kritika eta protesta ugari jaso zituen, Bilbon euskaraz hitz egiteak zentzurik ez zuela eta hizkuntza hori laster hilko zela adierazi zuelako.

Agirreazkuenagak azaldu zuenez, «euskal kulturen data adierazgarri bi daude; bata 1851 eta bestea, 1901». Bere aburuz, denboraldi horretan Bilboko gizarteak aldaketa izugarria jasan zuen. Izan ere, Bilboko ikuspegitik 1835-1836ko setioak eta hiriaren erresistentzia heroikoak eta horrek hurrengo irudizkoan izan zuen eraginak hiriaren kontzientzia berriaren sorrera ekarri zuten.



XOUSA SIMAL
Era askotako dokumentuak ezagutzeko aukera dago erakusketan.

J. AGIRREAZKUENAGA

Bidebarrieta Kulturguneko zuzendaria

«Baserri giroak hirikoari garrantzia kendu zion, baina jaiak hiriguneetan egiten ziren»

Euskara Jaien inguruan ere mintzatu zen Agirreazkuenaga, «baserri giroak hiriko giroarekin alderatuz garrantzi handiagoa hartu zuen, nahiz eta jaiak beti hiriguneetan ospatzen ziren».

Irudizko berriak aipatu nahi izan zituen behin eta berriz Agirreazkuenagak, eta, batez ere, «Bilbainismo netoa» izeneko azpimarratu zuen, XIX. mendaren amaieran eta XX. enaren hasieran sortu eta garatu zena. Fuerismoak beste garai batean adierazten zuen adostasuna adierazten zuen gutxi gorabehera Bilbainismo netoak.

Euskararen hiltzoriak mintzatu zen Xabier Kintana

Xabier Kintana idazle eta euskaltzainak euskararen garai

XABIER KINTANA

Idazlea eta euskaltzaina

«Egun haur gehienek euskaraz dakite, baina ez Nafarroan eta Iparraldean»

hartako eta egungo hiltzoriak mintzatu zen. Bere aburuz, «egun haur gehienek hezkuntzari esker euskaraz dakite, baina ez Nafarroan eta Iparraldean».

Susana Serrano Bilboko Itsasadarreko Itsas Museoko doktoreak 1901eko Udalak kultura arloan izan zuen parte-hartzea azaldu zuen.

Ramon Talarsa, El Sitio elkarte-ko presidenteordea —Jose Manuel Azkona presidentea zen hasieran joatekoa, baina ez zuen agertzerik izan—, El Sitio elkarteaz eta 1901eko Lore Jokoen antolakuntzaz aritu zen. Eta Eduardo Alonso Olea doktorea, Eusko Ikaskuntzako, 1901eko Lore Jokoei sari-tuen inguruan mintzatu zen.

LABURREAN

ARTEA

Gasteizko Artium museoan egingo da ARCO azokaren 2002ko ekitaldiaren aurkezpena

ARCO arte garaikideko nazioarteko azokaren 2002ko ekitaldiaren aurkezpen ofiziala Gasteizko Artium museoan egingo da. Lehenengo aldia izango da azoka ezagunaren presentazioa Madriletik at egiten dela. Beraz, Artiumeko zuzendari Javier Gonzalez de Duranek pozik jaso du albistea, «amaitu gabe egon arren, arte garaikidearen esparruan gure museo aintzat hartzen dela erakusten baitu». Otsailaren 11tik 15era bitartean egingo da ARCOren azoka 2002an.

ZINEMA

Euskarazko bost film labur lehiatuko dira Manresako Zinema Beltzeko Jaialdian

Manresako Zinema Beltzeko Jaialdiko film laburren lehiaketan parte hartuko duten 76 lanen arteko zortzi Euskal Herriatik bidaliak dira, eta horien arteko bost euskaraz eginak. Gainerako filmetatik 57 gaztelaniazkoak dira, bederatzi ingelesez eginak eta bost katalanez. Eusebio Poncela, Sancho Gracia eta Carmen Maura dira epaimahai-kideko batzuk.

ARTEA

Merituaren domina eman dio Espainiako Lan Ministerioak Agustín Ibarrolari

Agustín Ibarrola artistari Laneko Merituaren domina eman zion atzo, Madrilén, Juan Carlos Aparicio Espainiako Lan ministroak. Zortzi lagunek jaso zuten domina, Luis del Olmo kazetaria, Fernando Vizcaino Casas idazlea eta Pedro Lain Entralgo hizkuntzalari horien artean.

KULTURAK

Okzitania hobeto ezagutzeko aukera eskainiko dute Topa-Oc egunek Izuran

Lutxi Fourcade | IZURA

Euskaldunen eta okzitaniarren arteko elkartrukeak antolatuko ditu Haize Berri Izurako kultur etxeak asteburuan, gaur hasi eta igandea bitarte (Nafarroa Behera). Topa-Oc izeneko ekimenak hiru egun iraunen du, beraz, eta aukera paregabea eskainiko dio Ipar Euskal Herriko lehen auzoen kultura hobeto ezagutu nahi duen edonori.

Sortu zenez geroztik, elkartrukeak bultzatzeko asmoa izan du beti Haize Berri kultur etxeak, batez ere kulturaren alorrean. Horrengatik, 80ko hamarkadaren hasieran, herrien arteko hitzorduak antolatu zituen baina laster bertan behera utzi behar izan zituen.

Hogei urteren buruan, zentroak berpiztu du ekimena eta elkartruke sakonak eskainiko ditu asteburuan. Izan ere, kantari edo artistak bakarrik gonbidatzeko ordez, mintzaldiak, dantza ikastaroak, kontzertuak edo kantaldiak izanen dira. «Euskal Herriatik hurbil izan arren, ez dugu ongi ezagutzen Biarnoko eskualdea. Ekimenari esker, asmoa dugu lokarriak sendotzeko bi eskualdeen artean eta batez ere egituren artean», azaldu zuen, gaur abiatuko diren ekitaldien berri ematerakoan, Beñat Oteizak, Izurako zentroko arduradunak.

Okzitaniaren mila aurpegi ezagutzeko parada

Topa-Oc hitzordua abiatuko da mintzaldi batekin gaur arratsan, Izurako kultur etxean. Okzitaniara hizkuntzaren aurkezpena egingen du gaurko saio horretan Jordi Fernandez-Cuadrench Pauko Okzitaniar Kultur Erakundeko lehendakariak.

Bihar, berriz, larunbatarekin, okzitaniar dantzak ikasteko aukera izanen da. Arratsaldeko 17:00etatik aitzina, gazte mugimenduak aipatuko dira eta arratsan, berriz, herriaren hutsari aurre egiteko adibideak aztertuko dira. Azkenik, eguna amaituko da kontzertu batekin.

Etzi, igandearekin, goizeko mezaren ondotik, bazkari herrikoia iraganen da. Arratsaldean, berriz, Balaguera eta Estal taldeak, eta Mikel Urdangarin bilduko dira kontzertu batean. Kontzertua izanen da ekimeneko azken ekitaldia.

IRAGARKI MERKEAK

943 300 222



ZORIONAK IRAUN!

JARBE-1.300
Rektifikadora
unibertsal bat
saltzen da.
Egoera onean.
Tel.: 94 674 12 75

33 x 33 mm
MODULO
(Iparraldea)

Eguna: **84 l.**
Astea (6 egun): **73 l.**
2 aste (12 egun): **61 l.**
Hilabetea (24 egun): **46 l.**

33 x 33 mm
MODULO
(Edizio orokorra)

Eguna: **3.000**
Astea (6 egun): **2.300**
2 aste (12 egun): **2.100**
Hilabetea (24 egun): **1.500**

33 x 33 mm
MODULO
(Araba-Nafarroa)

Eguna: **2.200**
Astea (6 egun): **1.900**
2 aste (12 egun): **1.600**
Hilabetea (24 egun): **1.200**